

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 236759 23 St
Zenica, 19.06.2024. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom Privredno društvo AVEEO d.o.o. Žepče, Ljeskovicica b.b., Žepče, koga zastupa direktor društva Omerović Vernesa, 19.06.2024.god., donio je sljedeće:

R J E Š E N J E

Pozivaju se vjerovnici i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako vjerovnici i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom Privredno društvo AVEEO d.o.o. Žepče, Ljeskovicica b.b., Žepče.

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj društvo Privredno društvo AVEEO d.o.o. Žepče, Ljeskovicica b.b., Žepče koga zastupa direktor društva Omerović Vernesa podnio je prijedlog za otvaranje stečajnog postupka nad društvom Privredno društvo AVEEO d.o.o. Žepče, Ljeskovicica b.b., Žepče. Privremeni stečajni upravitelj Muamer Pašalić je na ročištu izjavio da društvo AVEEO d.o.o. ne posjeduje nikakvu imovinu, da društvo ne posjeduje nekretnine o čemu svjedoči bilans stanja kao i potvrda koju je izdao Općinski sud u Žepču, broj: 044-RZ-23-000182, da društvo se ne pojavljuje ni kao nosilac prava u katastarskom operatu, a što potvrđuje Uvjerenje Službe za graditeljstvo i prostorno uređenje broj: 03-30-2-3292/23-2 od 24.08.2023. godine, da društvo ne posjeduje nikakva pokretna sredstva niti registrirana vozila o čemu je Odsjek za administraciju MUP-a ZDK izdao Uvjerenje, a kada je u pitanju ostala imovina prema bilansu stanja od 30.06.2023. godine, društvo ne posjeduje nikakvu drugu imovinu, zalihe, niti potraživanja, novac, novčane ekvivalente, niti bilo koju drugu vrstu imovine. Privremeni stečajni upravitelj je naveo da je društvo koristilo jedan račun otvoren u Raiffeisen banka d.d. Sarajevo broj: 1610550002890050 koji je blokiran sa 14 poreskih rješenja o prinudnoj naplati i mjenicama, najstarije rješenje o prinudnoj naplati je iz 2022. godine, čime je ispunjena zakonska pretpostavka o platežnoj nesposobnosti za obavljanje registrirane djelatnosti koja je u dužem kontinuitetu od 60 dana. Izjavio također da društvo ne posjeduje nikakvu imovinu, a obaveze društva na dan 30.06.2023. godine iznose 570.885,00 KM i imaju tendenciju stalnog rasta, te da u navedene obveze potpadaju između ostalog i obveze prema Poreznoj upravi F BiH, Kantonalni porezni ured Zenica, a koje obveze su dostavljene uz Izvještaj o radu (pregled rješenja prinudne naplate) i obveze prema Upravi za indirektno oporezivanje Regionalni Centar Sarajevo, u iznosu od 39.828,15 KM. Privremeni stečajni upravitelj je predložio da se stečajni postupak ponovo pokrene ukoliko neko zainteresovano pravo ili fizičko lice u zakonskom roku od dana objavljivanja rješenja u Službenim novinama predujmi iznos od 5.000,00 KM.

Iz izvještaja privremenog stečajnog upravitelja se vidi da u društvu nije evidentirana imovina.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao vjerovnike i zainteresirane osobe da predujme dovoljan novčani iznos za pokrivanje troškova

stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem vjerovnici i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić